

清陰集

二

内閣文庫	
番號	漢 17816
冊數	38 (20)
函號	集 135 1



清陰先生集卷之二十二

疏劄三十一首

病未趨

名待罪疏

己丑五月

伏以臣本老孱重罹大憂數日之內氣力頓盡
不絕之命僅如絲縷滿朝群僚所共目見然臣子
分義死而後已固不敢以疾病為辭也第念臣之
所患不但四體不能收拾精神昏迷日用人事茫
然若在烟霧之中是非當否全昧辨別如此而尚
可謂之人也乎哉昨日召命臨門不得趨詣近
臣敦諭亦未祇承雖使臣自起安所逃遁慢之誅

乎臣不勝惶恐戰栗伏地待罪謹昧死以聞

入京待罪疏 六月

伏以臣大病未蘇僵仆度日 息名存降力疾登途適值水潦大盛平陸成江不得已從水道下來素患眩暈大發不能運動末由越詣 爾謝逋慢之罪益所難追不勝惶恐戰灼之至謹昧死以聞

請還收肩輿入闕之命疏 同月

伏以臣不能以犬馬之身先辱螻蟻反以不敢當之禮入拜 天顏哀惶震惕但有涕淚臣伏承肩

輿趨闕之命此宋朝待文彥博古事潞公以四朝元老年迫九耄不良於行膺此異數朝野之所聳觀史籍之所罕傳臣是何人敢當此禮臣一籌卒畫茂補新化而孱軀眇福涯分過溢朝夕待盡况重之以稀世之榮寵其何不溘先於朝露也伏乞 聖慈亟收異渥以安愚分不勝幸甚臣無任兢惶戰灼之至謹昧死以聞

不能檢下請 社稷都提調疏 七月

伏以臣本昏庸加以老耄凡百人事不得省察虛帶官銜實同行屍以此本職及兼帶提調之任累

次乞免未蒙 許遠尋常愧慄今聞 社稷署參
奉許璉猥褻不謹至被廷尉問臣聞古者下官不職大
臣之罪不能檢下難免其責尤不勝俟罪惶恐之
至伏乞 特遠臣無帶 社稷都提調之任以盡
肅然警惕之義公私幸甚臣謹昧死以 聞

謹天戒順人心劄 同月

伏以臣伏聞今月十有六日癸酉太白見於日下
嘗聞太白西方之氣其出主兵喪星事凶悍非人
人所可知亦非所敢言但以前史所驗推之實為
可懼 大行王之日連歲有此變凡在人心莫不

恐懼至於今年卒遇大感舉國縞素哭聲震野上
天示警厥有明徵不知今日復有何咎而垂象至
此也老臣不死幸霑 新化每聞 德音感動怵
惕思見 德化之成恐有一事一言之或拂於人
情以玷出震之明耿耿此心天實監臨臣聞天以
陰陽二德寓在政刑示人體行故王者日食則修
德月食則修刑各以其類應之星辰有變其所修
之道亦不外乎此星變之應似當允出於茲夫罰
不當罪何事非尤然而人臣之抱至冤莫甚於正
言獲罪上天之怒人君亦莫甚於罪正諫之臣從

古以來指不勝屈惟我 大行大王勤於敬天察
於理國求言猶恐不廣改過猶恐不吝當怒者賜
之以和顏逆耳者聽之如遜志二十年来仁聲惠
政溢于簡策群下之心孰不欽仰適有李應著者
職在言路不量其身之微感荷不世之遇一上封
章重觸 天怒投畀絕域二千餘里嚴霜積雪死
在朝夕遠近聞之莫不傷憐 大行王亦必有悔
心之端而特未下成命也至於李敬輿至誠愛
君洪茂績沈膺之遇事敢言非但其言之不當罪
其心之為國無他舉世無不言之無不惜之者也

大凡王者之政必先於順人心監於人心之如何
而天意可知竊聞近日上書者皆指此數人為言
人心之所同於此亦可見也當今諒闇伊始萬幾
無至固知 聖上哀疚之中增以拂亂而臣伏見
天心不豫譴告不息實不知所蔽怒者果在何地
不勝私憂過慮之至安陳瞽說惟 聖明垂察焉
取進止

辭職劄 八月

伏以星象示警久而不止人心危懼罔敢知于茲
殿下孝思哀慕之誠可以感動於上而猶有不豫

之色夙夜憂民之心可以無拂於下而尚有蓄怨之意求之于內而未有也考之于外而未有者也不知將何修而可弭也臣聞人可欺惟天不容偽人君之政莫大於論相人主不能明視審察用虛名無實之士置之相位是謂視不明厥罰陽氣衰而星辰晝見天鑑孔昭以警 殿下可懼之甚者昔子韋告景公愛惑守心可移於相臣以不肖無狀濫膺 天寵自取顛覆用塞天怒則豈非幸也哉然深遠難見古人有言伏願 殿下於保護之道勉從群言以達下情亦須申飭守邊之臣毋忘枕

戈待朝之志不勝幸甚取進止

敦諭後辭職劄 同月

伏以臣危衷所發言不知裁比日哀顛重觸宸嚴自顧分義甘伏刑章 殿下憐臣老耄曲垂慈仁至 遣近臣開諭諄切臣雖木石寧不感激請試陳之臣之疾病實非偶然昔自山城流落嶺南遭遇時變不敢自齒於人竄身荒谷無所寓懷或取涼嵌竇或濯熱水際或夜息陰崖恍惚與鬼神相見人多疑臣不復成人當此之時潛銷暗鑿者已不可紀無何數年之間又作異域之行彼之所

以待臣臣之所以自度十分無一生理幸賴我
 大行王天地父母之德殘魂餘命獲返故國因此
 痿症極重又自丁亥以來仍添類中二人扶掖不
 能移臣一足氣盡力竭其苦莫狀此衆人所共見
 如此而尚可復就於陳力之列乎且聞近日北使
 繼至臣義不與同堂揖讓左右周旋伏惟 聖明
 亦必俯諒也臣之不能久玷朝端於此益決矣伏
 乞 亟賜鑄免俾得退守素榆保全晚節無任懇
 祈切祝之至取 進止

論吏曹判書沈詒劄 同月

伏以臣伏見 殿下自即位以來孝思通于神明
 精誠感于上下大豐之驗適當此時人情欣欣以
 為太平之治庶幾復見夫何近日 朝廷不靖之
 端乘時兆見至如草野猥雜之徒借名投疏以窺
 俯仰有識之士莫不寒心蓋由銓衡用人不得其
 正漸至壞亂也夫東銓政本本亂而未治者未之
 有也竊聞東銓長沈詒以 累朝舊臣受國重任
 不畏公議專用私情其一家子弟有相避之人公
 然除吏不止一二旁觀者惡其專輒奪競者 藉為
 口實 聖明在上豈容聽其自恣以墜憲音也臣

實痛之如臣聳聽尚且如此四方紛紜何可勝紀
臣老病退歸朝夕就木五十年同年之交不欲以
駁議招怨而臣若不言重負國恩敢陳所聞取
進止

病未陪往 山陵辭職疏 九月

伏以日月驚過 山陵迫期臣民罔極之懷於是
益切臣忝居大臣之後禮當躬詣 玄間少展送
往之誠而素患脚疾今成腰痛寸步之內不得自
致匍匐康衢永結終天之痛罪在罔赦罪在罔赦
伏乞 殿下洞察臣老病之狀 亟命鑄削臣職

以申邦憲以正臣罪臣不勝瞻天望 聖泣血哀
隕之至謹昧死以聞

請寢 陵幸劄 同月

伏以 山陵會下 聖志堅定百官有司莫不仰
體萬一殫心奔走庶冀天地降祥百神垂祐以感
應我 殿下之至誠夫何天意慤懃不已日出變
異顯示陰氣干陽之兆臣誠愚惑固知厥由臣聞
聖人之事天也無一念不盡其敬無一事不用其
誠雖在哀遑罔極之中未敢斯須弛也昔子貢問
喪孔子曰敬為上哀次之今 殿下居喪之禮哀

則至而敬或不足以致上天之警告斯臻欲知上天之心當於下民見之矣今者三都監必誠必慎之道無所不用其極而敦事之臣未免或過於侈多傷民力者殆不可一二計大事未訖又值客使之狎至飢寒困頓之民竭盡心力日夜呼籲於道路以撼上天之聽者庸有既哉於此之時而殿下將親率群臣從以百役之民一日之中遠涉百數十里之地其間豈無上拂天意下貽祖宗神靈之憂於人所未覩未聞之地也目今訛言屢騰萬目駭視皆以為不測之變近在朝夕 聖德雖

廣尚未普洽 仁恩雖布尚未深入伏願 殿下臨深履薄日加一日予以答皇天仁愛之眷予以副宗社付托之重 勉從廟堂三司之請亟寢 陵幸以待後日 國家幸甚臣民幸甚取 進止

老病乞骸疏 十月

伏以臣積年痼疾漸入膏肓一身四肢已廢其二欲思補効望絕陳力 累朝恩遇此生永負臣之情事孔悲且哀即今 山陵甫畢大事稍完如臣無用分宜丘壑伏乞 聖慈曲垂憐愍慰退之以禮俾蒙帷蓋之 賜臣不勝嚮 息戀 闕感激流

涕之至謹昧死以聞

請還收給祿之命劄 同日出任東郊時

伏以臣伏蒙 恩休暫息郊垆乘榆稍暖寒疾無
加祝向春明感戴固極第臣日夕瞻注松楸在望
曾未半歲若隔三秋欲就丘壠少伸霜露之感而
亦不可得只自悲涕而已且倉官稱以 上命載輸
祿俸臣立朝無涓埃之裨將來有退去之勢復費
國廩實所不敢伏乞 聖慈憐臣疲勞難仕之狀
許臣優游自遂之計 特為還收給祿之命以安
愚分不勝幸甚臣無任兢惶激切之至謹昧死以

聞

請令文武大僚各薦可堪將領者以備緩急

劄十一月

伏以天災疊見邊備多缺今日之事殆不堪其憂
巨竊聞近日叨與武選而不解破的者頗多名填
砲籍而未曉藏藥者皆是平居若此臨急何用沈
機獨智之士埋沒於行間巧辨善毀之流每出於
人先宜乎高才之抱屈而毅夫之飲恨也臣素與
諸弁相踈老而聞見亦絕未能舉一干城之材技
一熊虎之將 殿下試令文武諸臣各薦智勇兼

備之人兼許自薦試其所長如有謀略邁倫膂力
 超等技藝絕人者擢授顯任以示聳動之舉勿論
 門地高下容貌壯弱惟務得人勿限厥額若其恟
 於勢力溺於貨賄牽於情面僨事誤國者明法之
 下終難免誤薦之律矣但末路之人毀譽顛倒風
 聞之際虛實相半夫謀事在智成事在命此又不
 可不察也臣短拙耄荒守愚委巷未聞公議一言
 出口必被譏訕固知無所補益妄恃 聖明俯察
 一得敢此塵瀆取 進止

論吏兵判用人之失劄 同月

伏以臣聞昔者孟子謂齊王曰將為巨室王必使
 工師求大木工師得大木則王喜以為能勝其任
 矣匠人斲而小之則王怒以為不勝其任矣夫國
 之用人亦猶是也不勝任者在所已之竊聞近日
 人言籍籍皆謂銓曹用人不合公議至發於白簡
 為銓官者亦安得自安而已乎彼長官者素稱忠
 實廉簡同朝之人所共知必無包苴請托之累而
 直以藻鑑不明過信人言以至於此其情可恕而
 其實難掩合有早處以清賢路且臣頃於 榻前
 敢陳不貲臆吏以保良民之說 天聽似有俯採

之意曾未決旬遽下金汝水定配之命政官又以前兵使安澈擬諸摠管至於蒙恩以為貪汚善事者之勸由此觀之廉吏不足貴而貪官真可尚也 朝廷之好惡已定而區區老安之言正犯時忌臣不勝慙報叩舌屏感之至取進止

請留前都憲金集劄 同月

伏以臣竊聞前都憲金集今將乞由退歸臣不勝缺然歎惜之至昔唐尚書右丞孔戣致仕退去吏部侍郎韓愈上疏請留曰戣年踰七十精力不衰憂國忘家用意至到今日在朝廷如戣輩不可多

得不宜苟徇其去不留自助也臣伏見金集儒門宿望老成端亮士林莫不嚮仰爭喜 聖明得致同朝久留旅邸疾病乘之陳情請歸臣亦以為不宜苟徇其去以補新化也 殿下舉於朝中新得太宰臣素知林壇之為人想其雅志方自踧躅不欲居士林所宗前輩長者之前舜命九官濟濟相讓 殿下方興唐虞之治壇豈不欲追伯益之後塵也第爵秩不侔必以是為難也臣老病昏憤發言無章不勝區區憂國之心敢陳所懷取進止

乞暇掃墳疏 十二月

伏以臣之衰耄與病日甚自入今月尋常人事專不省識至於陪祭問安之列多不得進叅罪戾日積晷景日遠死期漸迫慙悻徒增若過一箇月臣年八十有一生前請暇一上父母丘壠臣之志願畢矣草木回春霜露頻繁寢驚夢惕情不自勝伏乞 聖慈俯察微悃 特丐長由俾得省掃天恩罔極私情幸甚臣不勝兢惶戰灼之至謹昧死以聞

病中陳情疏 庚寅正月

伏以臣自前月之末舊疾益進前夜之中恠症疊發全昧人事末由更進 闕庭瞻望 宸威一心百結有淚盈席竊念即今天開地裂時序大變而民情趨向未聞大異於前訛言日興愚智同然政事誦令之間未免重拂於公議其難安之狀可虞之勢比若立足於枳棘之中寄跡於冰泮之上未知國事之終如何也伏願 殿下奮發大志日新盛德以毋負 祖宗付托之重臣民顛望之切臣將朝夕溘然永辭 明時不能更有所罄竭披露徒自憂惶憤懣俯仰感感而已謹昧死以聞

辭祿疏 同月

伏以臣病卧經月頓無起動之勢竊伏聞因戶曹
啓辭有祿俸輸送之命不仕受祿義所不敢臣
不勝惶恐未安之至伏乞 聖明還收成命以安
愚分臣人事昏倒謹昧死以 聞

陳情乞退劄 同月

伏以無狀老臣喪失廉恥七十既退八十復進蠅
營狗苟被人賤侮名為感激 洪恩其實自利其
身也小人有心識者先期區區心曲安敢自飾也
然而臣有大不堪之疾病又遭大艱虞之形勢此

則亦必有恕其一二者也臣本無尺寸之長可以
仰禪 聖德之萬一又乏絲縷之細可以有益於
時務特以 累朝舊物名忝遺籍置諸大臣之列
時 賜顧問所以踳履徊徨欲退未訣者也目今
國勢日益危急臣病日益危苦而右相以言不行
引退左相又以改葬之服受由久退領相獨賢身
當眾務雖曰年富力強若大厦之一木又安可獨
恃也即聞 自上將有山陵之幸脫有不幸敵國
之使不失前期聯翩狎至而徵發軍兵屢日不散
萬口訛言乘時煽動廟堂無鎮定之策將帥非禦

衆之才安危之機動於呼吸 國家之危不啻岌岌乎殆哉臣不知此時將如之何也雖然臣久病之中思慮昏亂有此妄發非必有此事亦不可謂必無此慮也伏望 殿下召回不佞之良弼並任剛大之賢輔 亟召負士望之重臣使之同寅協恭以濟 國事先退無所用之老物以清朝端國家幸甚愚臣幸甚取 進止

乞骸疏

五月初九日入京退歸時

伏以臣疾病沉痾筋力柴盡分當退歸而近日又有不可留之勢陰陽操縱顯示抑揚倘或遲回必

可辱及同朝可勝言哉可勝痛哉伏乞 聖明特垂照早 賜骸骨俾得歸死父母丘壠之下臣結草殞首終始永肩竊不勝懇祈切祝之至謹昧死以 聞

病未詣

闕待罪疏

初十日

伏以臣昨日伏承 聖教感激罔措臣一出 國門勢難再進瞻望 宸極但有涕淚臣分當忍死 趨 命以謝 天恩第臣筋力柴盡乍經勞竭若無再生之望四體委頓寸步須入區區之情未由有遂臣之罪戾於是益大死無所容伏願 天地

父母曲賜諒察不勝惶恐戰悚之至謹昧死以聞

請適本職及兼帶還收給極之命疏 同月

伏以臣百疾沉痾四肢不遂目不能視耳不能聞口不能言食不知味寢不著睡昏昏如醉長委枕席至今生存臣實恠之當此 國家多事之日非臣子辭病之時而事勢如此前頭殿最不遠伏願殿下俯諒危惻臣本職領敦寧府事及兼帶 社稷署司譯院都提調並 命改差以便公私不勝幸甚且臣伏聞 聖教以臣久病在鄉之故除出

田稅月給祿俸臣誠惶恐感激之至即今旱災大甚田野之民盡為飢荒朝夕遑遑 國家尚難賑救如臣無狀世沐 恩波無補涓埃退安田廬受賜已多况敢以丘壑之腹苟竊縣官之粟以重其罪戾乎更乞 聖明察此至情亟收 成命臣謹昧死以聞

辭祿疏 七月

伏以今月十四日自本州輸送米豆稱以秋三朔祿俸臣病廢田間義當納祿不宜濫受分外之賜以重罪戾也臣於去夏猥霑 異數敢陳區區

之誠未蒙 察納特下 先朝舊例之教茲乃國
 家優禮賢臣之事非如老病菲薄徒積犬馬之年
 側跡耆社之列者也况今天灾已甚屢勤祈禱豐
 年未卜百姓遑遑前頭貯財郵貧之舉尤當汲汲
 不可濫施於不當施之地重使公私失望也伏乞
 聖明俯察微懇 亟令還收每等祿俸賜給之命
 以安愚分不勝幸甚臣無任激切屏營之至謹昧
 死以 聞

乞致仕疏 同月

伏以 三朝舊物老病不死為憂餘生尚掛齒頰

有保官壽差對人面臣自前年来精神日益昏忘
 氣力日益漸盡視聽俱廢手足盡瘁只自去夏無
 符中風聲音闕塞飲食失味委身枕席便溺須人
 幸苦之狀實為可憐加以今年暑熱近歲所無強
 壯之人亦皆病傷如臣尪弱得免死亡亦是恠事
 以是所忝本職及兼帶諸司提調緣臣之故並廢
 數最此舉朝諸臣所共見而知者况敢效年以浮
 薄之徒主張朋比之論乎臣退伏松楸去父母丘
 壟近在咫尺朝夕之間死期將迫伏望 聖慈特
 賜骸骨許令致仕使臣生蒙不貲之 恩死被掃

世之 寵臣無任瞻天望聖感激流涕之至謹恐
死以 聞

再疏

伏以臣之篤老不堪驅策 聖明洞燭既已許退
田廬臣涵泳 聖涯無所報答惟日夜向 闕中
頌而已只以貪戀 累朝厚恩不忍永辭爵位遲
遲之行被人譏罵損壞體面貽辱朝廷皆臣自取
尚誰咎哉惟當自今以往悠然而逝不竣終日以
彰 聖朝終始保全之盛德伏乞 天地父母
至憐愍亟許致仕臣無任懇禱切祝之至謹啟

以聞

陵幸還宮後辭職疏 十月

伏以臣自八月得泄瀉之症今至三十日尚未見
差衰年氣力日漸柴毀委身床席事事須人喘息
雖存不省人事實與枯木死灰土壤無異竊聞
聖駕親拜 山陵即日還宮不得瞻望百官羽旄
侍衛之容不勝悲惶涕泣之至伏乞 命付有司
亟正臣違慢之罪且違臣本職領敦寧府事並
社稷署司譯院都提調之任以安愚分臣不勝激
切屏營之至謹昧死以 聞

辭職疏

閏十一月

伏以臣之所患痿症日月已久漸不能運動已成廢棄之物瞻望宸極尺切憂慕冬月發最又迫萬無隨叅之勢慙懼罔措伏願聖明俯垂矜憫臣所帶本職及兼任社稷署司譯院等都提調丞令改差以遂公私臣不勝激切屏營之至謹昧死以聞

請鑄削職名疏

辛卯正月

伏以臣之疾病于今屢年日加月增至於所帶本職及兼任衙門殿最等事皆不得進叅典章廢墜

職事解弛罪戾日積况近日傳聞臣之姓名屢出人口以臣之故重辱清朝伏乞聖明特垂矜憫鑄削臣本職及兼帶社稷署司譯院都提調之任以便公私臣不勝兢惶戰越之至謹昧死以聞

辭退疏

五月

伏以臣計日國祥恐死入京僅叅哭班精神已盡不得更留一日以償餘願區區之誠無地可泄臣罪益重臣罪益重臣今將復往江上借船東還臣今年八十有二自此以後永阻天陛伏願

聖明益謹天戒益恤民隱以為我東方億萬年無疆之計臣不勝惶恐涕泣之至謹昧死以聞

陳清辭職疏 日月

伏以臣氣息垂盡今已月餘朝夕之間勢將易質不得矯首宸極更瞻天顏感激鴻恩悲涕無從臣立朝以來于今五十六年未報涓埃但積罪戾此舉朝諸臣之所共知但不以陰伎實懷私怨害人此則臣不敢秋毫飾以欺天日且臣虛帶官銜久未解釋前頭殿最又迫臣本職領教宣事及所兼社稷署司議院等都提調之任

并乞速免以便公私幸甚臣無任嚙息戀德伏地流涕之至謹昧死以聞

遺疏

伏以臣本庸姿幸蒙累朝之恩獲躋崇班茂效涓埃徒積罪戾丙丁以來絕意仕宦中更禍患備嘗艱難不意先王起之田廬致于台司感激恩命黽勉一出而積釁餘生無望陳力退伏松楸沒齒為期速遇聖明過被殊渥衰朽之質報答無路區區之心只欲明揚士類振舉綱維以禱新化之萬一不幸事與心違志未少伸辜負聖

德狼狽而歸疾病憂傷轉輾沉痾及至今日大命
垂盡再覩天顏此生已矣瞻望宸極祇增隕
結伏望殿下益礪初服之志不替好賢之誠登
進善類以出治道克修實德以恢大業丕基我東
方億萬年無疆之休則臣雖在九原庶無遺恨臨
簣氣短不知所云臣不勝嚙息竊闕泣血懇
情之至謹昧死以聞

清陰先生集卷之二十二

